



Laura Táunâjik
Inatsisartunut ilaasortaq, Siumut

Akissuteqaat § 37 naapertorlugu apeqquteqaatinut, - kalaallisut qaffasissuseq A pillugu

Asasara Laura Táunâjik.

Qujanaq apeqquteqaatinnut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

Apeqquut 1: Ukiuni tallimani kingullerni Ilinniarnertuunngorniarfinni fagi kalaallisut niveau A soraarummeerfigalugu nunatsinni ilinniarnertuunngortarpat?

Akissut: Ilinniarnertuunngorniarfimmi (GUX) ilinniagaqartut tamarmik kalaallisut atuartinneqartarput qaffasissutsimi A-mi. Kalaallit oqaasii neqeroorutigineqartarput ilinniagassatut qaffasissutsimi A-mi "kalaallisut inunnguuseralugu" aamma "kalaallisut aallarlerlaanut, aamma oqaatsit aappaattut". Kalaallisut A-mi pinngitsoorani allattariarsornermi soraarummeertoqartussaavoq. Oqaluttariarsornermi soraarummeerneq pisinnaavoq, ilikkagassaq taanna makinneqarsimappat. Tunngaviummat ilinniarnertuunngorniarlut tamarmik qaffasissutsimi A-mi kalaallisut GUX-imi atuarternerat, kingunerisarpaa Ilisimatusarfimmi aallartittut GUX-imeersut tamarmik kalaallisut qaffasissutsimi A-mi ingerlatsisarneri.

Apeqquut 2: Ukiuni tallimani kingullerni Ilinniarnertuunngorniarfinni fagi kalaallisut niveau A soraarummeerfiginagu nunatsinni ilinniarnertuunngortarpat?

Akissut: Kalaallit oqaasi pinngitsoorani ilinniagassaammata aamma ilikkagassami tassani soraarummeertoqartarpoq.

Apeqquut 3: Ilinniarnertuunngorniarfinni fagi kalaallisut niveau A soraarummeerfigalugu nunatsinni ilinniarnertuunngorsimasut qassit Ilisimatusarfimmi ilinniarnissamut akuerineqartarpat?

01-12-2017
Suliap nr. 2017 - 26465
Allakkat nr. 6696979

Postboks 1029
3900 Nuuk
Oqarasuaat: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Akissut: Tunngaviatigut ilisimatusarfimmi ilinniagartuunngorniarlutik ilinnialersut tamarnik GUX-imit ilinniarnertuutut soraarummeersimasarput.

Apeqquut 4: *Ilinniarnertuunngorniarfinni fagi kalaallisut niveau A soraarummeerfiginagu nunatsinni ilinniarnertuunngorsimasut qassit ilisimatusarfimmi ilinniarnissamut akuerineqartarpat?*

Akissut: Pinngitsoorani allattariarsornikkut soraarummeertoqartussaavoq. Aamma, ilikkagassaq taanna oqaluttariarsornermi soraarummeerutissatut makinneqarsimappat, taava pinngitsoorani oqaluttariarsornermi soraarummeertoqassaaq, GUX-imi angusiumalluni.

Apeqquut 5: *Ilinniarnertuunngorniarfinni fagi kalaallisut niveau A soraarummeerfiginagu nunatsinni ilinniarnertuunngorsimasut ilisimatusarfimmut qinnuteqarneranni immikkut akuerineqartarpat?*

Akissut: Ilikkagassaq pinngitsoorani ilinniarneqartussaammat, aamma pinngitsoorani ilikkagassami tassani soraarummeertoqartussaavoq.

Apeqquut 6: *Ilisimatusarfimmi kalaallisut oqaasillit pitsaanagerusumik periarfissinnissaannik Naalakkersuisut eqqarsaatersuuteqarnerpat?*

Akissut: Periarfissaqarfiisigut kalaallisut ilinniartitsisoqartarpoq. Siunissamilu Naalakkersuisut angorusuppaat ilisimatusarfimmi ilinniartitsisut kalaallisut oqaatsinik atuisinnaasut amerlanerulernissaat.

Apeqquut 7: *Kalaallisut oqaasillit amerlanerit ilisimatusarfimmi ilinnialernissaat anguniarlugu, qallunaatut oqaasillit Danmarkimi universitetini ilinnialernissaat anguniarlugu periarfissiunnissaannik Naalakkersuisut eqqarsaatersuuteqarpat?*

Akissut: Iluarisimaarpara sapinngisamik amerlanerpaat nunatsinni qaffasinnerusunik ilinniagaqartarneri.

Apeqquut 8: *Naalakkersuisut Kalaallit Nunaanni ilinniarnertuunngorniarfinni "Gymnasielle supplerings kurser" aallartinnissaat anguniarlugu eqqarsaatersuuteqarpat?*

Akissut: Ilinniarnertuunngorniarfimmi ilinniartitsissutit ataasiakkaat, ilassutitut ilinniarnertit imminullu ilinniartittarneq pillugit Namminersorlutik Oqartussat nalunaarutaat nr. 27, 17. november 2016-imeersoq aalajangersaavoq malittarisassanik ilinniarnertuunngorniarfiit ilinniartitsissutini ataasiakkaani aamma ilassutitut pikkorissarnerni neqeroorutigisartagaanni. Nalunaarut aqqutigalugu siusinnerusumut sanilliullugu periarfissaaleroq eqikkakkanik ingerlatsisinnaaneq. Ilinniartitsissutit ataasiakkaat aamma ilassutitut pikkorissarnerit piffissap qinnuteqarfiusup nalaani Kalaallit Nunaanni aalajangersimasumik najugaqartunut tamanut ammapput, siuliani eqqaaneqartut nalunaarutip

aalajangersagaasa iluanni. Taamaasilluni ullumikkut periarfissaavoq
ilinniarnertuunngorniarninnut ilinniartitsissutini ataasiakkaani aamma
ilassutitut pikkorissarnerni neqerooruteqartarneq, qinnuteqartunullu
taakkununga peqataajumanissaq, tamatumani aamma imminut
ilinniartittartunut.

Inussiarnersumik inuulluaqqusillunga


Doris J. Jensen